

# 20 syarikat, individu terima penganugerahan CIDB

Kosmo (NEGARA) 9 SEPTEMBER 2015 m/s 17

LEMBAGA Pembangunan Industri Pembinaan (CIDB) telah meraikan 20 syarikat dan individu yang menunjukkan inovasi cemerlang melalui pelaksanaan sistem Membangunkan Model Maklumat (BIM) yang berkaitan Teknologi Pemodelan Maklumat Bangunan pada majlis Anugerah Penghargaan Industri CIDB-BIM, baru-baru ini.

Ketua Bahagian Teknologi Maklumat CIDB, Mohd. Harris Ismail berkata, anugerah tersebut menjadi lonjakan bagi menanda aras ikutan dan evolusi teknologi di firma seni bina, kejuruteraan serta pembinaan di Malaysia termasuk pemilik dan pengendali bangunan



kerana mereka menggunakan teknologi BIM yang aktif dalam perniagaan dan organisasi masing-masing.

"Pengiktirafan sempena Hari BIM Ke-bangsaan 2015 ini diharap dapat menjadi acara tahunan sebagai tanda penghargaan kepada penerima anugerah serta menggilap lebih ramai bakat berjenama Malaysia ke

pentas dunia.

"Harapan saya semoga anugerah ini berupaya menjadi penggalak yang membina supaya pelaksanaan sistem BIM dapat diterima pakai dalam kalangan penggiat industri pembinaan di Malaysia," katanya.

Penyampaian Anugerah Penghargaan

Industri CIDB-BIM telah disempurnakan oleh Ketua Setiausaha Kementerian Kerja Raya, Datuk Seri Zohari Akob.

Turut hadir memeriahkan majlis ialah Pengurus Besar Kanan Sektor Pembangunan Teknologi, Elias Ismail.

Sistem BIM tampil dengan ciri-ciri futuristik yang menyediakan pangkalan data berorientasi objek yang terdiri daripada objek pintar, maklumat bersepadu yang dipersembahkan dalam bentuk tiga dimensi (3D) dan pangkalan data hubungan yang saling berkaitan.

Justeru, aplikasi teknologi BIM dalam pembinaan berupaya menjadikan industri tersebut lebih cekap, berkesan, fleksibel dan inovatif di samping meningkatkan produktiviti negara di masa hadapan.

## Senarai penerima Anugerah Penghargaan Industri CIDB-BIM 2015:

1. Mohd. Arif Ibrahim (Prestaring System Sdn. Bhd.)
2. Charlenne Ong (Matrix Trinity Technology & Creative Institute (MTTC))
3. Ahmad Sha'rainon Md. Shahraini (Microcorp Technology Sdn. Bhd.)
4. Ng Wan Peng (Multimedia Development Corporation (MDeC) Sdn. Bhd.)
5. N.V. Kumaran (Bina Initiatives Sdn. Bhd.)
6. Shaharin Hashim (TIF3M Consortium)
7. Norliza Jab (Ascension Technology Sdn. Bhd.)
8. Menzie Montelabano (Bentley Systems Malaysia Sdn. Bhd.)
9. Abi Sarwan Mazran Ibrahim (3DTech Parametric Sdn. Bhd.)
10. Quek Jit Keat [Royal Institute Surveyor Malaysia (RISM)]
11. Mohamad Hassan Zakaria (Brunstfield Corporation Sdn. Bhd.)
12. Syarifah Azlina Raja Kamal (HSS Engineering Sdn. Bhd. /BIM Global Ventures Sdn. Bhd.)
13. Datuk Adanan Mohammad Hussain [Unit Building Information Modeling (BIM), Caw. Pengurusan Projek Kompleks (PROKOM)]
14. Zamri Ismail (Pertubuhan Akitek Malaysia)
15. Prof. Mohd. Faris Khamidi [University of Reading Malaysia (UoRM)]
16. Jason K. Macato (Vrix (M) Sdn. Bhd.)
17. Wee Eng Yau (TEKLA (SEA) PTE LTD.)
18. Mohd. Rizal Mohd. Rosly (BIMASIA Sdn. Bhd.)
19. Dr. Ahmad Tarmizi Haron (Universiti Malaysia Pahang)
20. Dr. Che Wan Fadhill Che Wan Putra (Emost Services Sdn. Bhd.)



ZOHARI (berdiri hadapan, tujuh dari kanan), Elias (enam dari kiri) dan Mohd. Harris (empat dari kanan) bersama barisan penerima Anugerah Perhargaan Industri CIDB-BIM 2015 di Pusat Dagangan Dunia Putra, Kuala Lumpur baru-baru ini.